



Broj: 01-01.1-8828-6/16-DZ
Datum: 22.11.2016.godine

Na osnovu člana 70. Zakona o javnim nabavkama ("Službeni glasnik BiH", broj 39/14) i Pravilnika o javnim nabavkama JP Cesta Federacije BiH d.o.o.Sarajevo, i u skladu sa preporukom Komisije za nabavke Uprava donosi

ODLUKU

o dodijeli ugovora za nabavku usluga ljekarskog-sistematskog pregleda (Aneksa II. dio B. ZJN-a),
ponuđaču Bosna Sunce Osiguranje d.d. Sarajevo

I

Na osnovu odluke o pokretanju postupka javne nabavke predmetnih usluga proveden je postupak iz Aneksa II. dio B. ZJN-a. Poziv za dostavu ponuda je objavljen na WEB stranici JPC F BiH dana 17.10.2016.godine i poziva je upućen na adrese 3 (tri) ponuđača. Izvršeno je prikupljanje, otvaranje, analiza i ocjena ponuda.

Do utvrđenog roka dostavljene su 2(dvije) ponude koje je Komisija otvorila na sastanku dana 28.10.2016.godine u 12.15 sati:

1. Bosna Sunce Osiguranje d.d. Sarajevo
2. PZU POLIKLINIKA ATRIJUM Sarajevo

Komisija je u skladu sa Tenderskom dokumentacijom pregledala ponude sa aspekta kompletnosti i kvalificiranosti te utvrdila da je jedna(1) od dvije (2) prispjele ponude kompletna i da zadovoljava kvalifikacione kriterije.

Izvršena je računska kontrola ponuđenih cijena u prihvatljivoj ponudi i utvrđeno da je ponuda računski tačna.

Naime, ponuda ponuđača PZU POLIKLINIKA ATRIJUM Sarajevo je neprihvatljiva iz razloga što ponuđač nije ispunio zahtjev iz tačke 5.2. podtačka c) Tenderske dokumentacije gdje stoji da će se cjelokupni sistematski pregled za svakog pojedinačnog zaposlenika izvršiti za najviše tri sata i na jednom mjestu. U pismu ponude navedenog ponuđača na strani jedan je navedeno da imaju podgovarača Polikliniku Dr.Kozarić, te da se ljekarske usluge koje bi tu trebala biti obavljene odnose na usluge ginekološkog pregleda. Takođe, na strani jedanaest predmetne ponude u Napomenama ponuđač je potpisao da se svi pregledi obavljaju na jednom mjestu.

Ugovorni organ je od ponuđača tražio pismeno pojašnjenje da li se ili ne svi pregledi obavljaju na jednom mjestu, te dobio odgovor da se ginekološki pregledi obavljaju na adresi podgovarača, i ukoliko je neophodno i ukoliko to bude traženo ginekološki pregledi će takođe biti obavljeni na istom mjestu, odnosno na lokaciji PZU POLIKLINIKE ATRIJUM. Predmetno izjašnjenje nije moglo biti prihvaćeno kao konkretno i relevantno, a s obzirom da se radi o specifičnoj vrsti zdravstvenih usluga za koju su potrebni posebni instrumenti i posebno opremljena ordinacija, koju ponuđač nema u svojoj klinici, stoga je predmetna ponuda odbijena kao neprihvatljiva.

Analizom primljenih ponuda, Komisija je u svom Izvještaju br.01-01.1-8828-4/16-DZ od 22.11.2016.godine utvrdila da je navedeni ponuđač dostavio najpovoljniju ponudu, za dodjelu ugovora za predmetne usluge, prema kriteriju najniža cijena utvrđenim u tenderskoj dokumentaciji, te je u skladu s tim dala preporuku Upravi da ovaj ugovor za javne nabavku usluga iz Aneksa II. dio B. ZJN-a- Usluge ljekarskog-sistematskog pregleda, dodjeli ponuđaču BSO Sarajevo.

Cijeneći navedeno, Uprava donosi odluku kao u dispozitivu.

II

Po okončanju roka za žalbu, ugovorni organ će pozvati odabranog ponuđača na zaključenje ugovora kojim će se regulisati međusobna prava i obaveze vezane za predmetnu nabavku shodno nacrtu ugovora datom u tenderskoj dokumentaciji.

Pravna pouka:

Protiv ove Odluke može se izjaviti žalba u skladu sa rokovima predviđenim u Zakonu o javnim nabavkama.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu ugovornog organa. Žalba se podnosi u najmanje 3 (tri) primjerka.



Direktor

.....
Ljiljo Pravdić , dipl.ing.grad.